



სსიპ საქართველოს ტექნიკური უნივერსიტეტის რექტორის
ბრძანება

ქ. თბილისი

09/09/2025



MES 5 25 0001103486

პროგრამებზე დამატებითი ჩარიცხვის შესახებ

“სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ” საქართველოს განათლებისა და მეცნიერების მინისტრის 2009 წლის 22 აპრილის №227 ბრძანების, სტუ-ს წესდების საფუძველზე, მაგისტრატურის დებულების, აკადემიური საბჭოს 2025 წლის 7 თებერვლის N01-05-04/13 საქართველოს ტექნიკურ უნივერსიტეტში 2025-2026 სასწავლო წელს სამაგისტრო პროგრამებზე ჩარიცხვის პროცესის ორგანიზებულად ჩატარების მიზნით

ვბრძანებ:

1. საქართველოს ტექნიკური უნივერსიტეტის სამაგისტრო საგანმანათლებლო პროგრამებზე გამოცხადდეს დამატებითი მიღება 2025-2026 სასწავლო წლისათვის დანართ-1-ში მითითებულ ვაკანსიებზე;
2. საქართველოს ტექნიკური უნივერსიტეტის სამაგისტრო საგანმანათლებლო პროგრამებზე ჩარიცხვის მსურველთა რეგისტრაცია განხორციელდეს ელექტრონულ პლატფორმაზე -

register.gtu.ge, 2025 წლის 11 სექტემბრიდან 15 სექტემბრის 18⁰⁰ საათამდე (რეგისტრაციისთვის საჭირო დოკუმენტაცია და განცხადების ფორმა იხ. დანართი -2, დანართი 3);

3. ფაკულტეტებზე პასუხისმგებელ პირებს დაევალოთ ჩარიცხვის მსურველთა მიერ ატვირთული ინფორმაციის შემოწმება (პასუხისმგებელი პირები ფაკულტეტების მიხედვით იხ. დანართი 4);
4. სამაგისტრო პროგრამაზე დაშვების წინაპირობის შესაბამისად მისაღები გამოცდა უცხო ენაში ჩატარდეს 2025 წლის 17 სექტემბერს 10⁰⁰ საათზე სტუ-ის I კორპუსში, ელექტრონული სასწავლო რესურსების ცენტრში (კომპიუტერული ცენტრი - 2, პირველი სართული), კოსტავას ქ. N68;
5. სამაგისტრო პროგრამაზე მისაღები სასპეციალიზაციო გამოცდები ჩატარდეს 2025 წლის 17 სექტემბერს 12⁰⁰ საათზე სტუ-ის I კორპუსში, ელექტრონული სასწავლო რესურსების ცენტრში (კომპიუტერული ცენტრი - 2, პირველი სართული), კოსტავას ქ. N68;
6. სამაგისტრო პროგრამაზე დაშვების წინაპირობის შესაბამისად გასაუბრება უცხო ენაში ჩატარდეს 2025 წლის 17 სექტემბერს 10⁰⁰ საათზე, სტუ-ის I კორპუსში, კოსტავას ქ. N68 მე-5 სართული ოთახი N508, (ბიბლიოთეკაში);
7. გამოცდების პირველადი შედეგები გამოქვეყნდეს 18 სექტემბერს, სააპელაციო განაცხადების მიღება მოხდეს გამოცდის ჩატარების ადგილზე 17 სექტემბრიდან 19 სექტემბრის 11⁰⁰ საათამდე. აპელაციების განხილვა მოხდეს 19 სექტემბერს, გამოცდების საბოლოო შედეგები (აპელაციის გათვალისწინებით) გამოქვეყნდეს იმავე დღეს უნივერსიტეტის ოფიციალურ ვებ გვერდზე;
8. ფაკულტეტების დეკანებმა საერთო სამაგისტრო გამოცდის თითოეული ნაწილისა და სასპეციალიზაციო გამოცდის შედეგების საფუძველზე (საკონკურსო ქულა), მოამზადონ სამაგისტრო გამოცდების კოეფიციენტებით რანჟირების საფაკულტეტო დოკუმენტი და შესაბამისი წარდგინება სამაგისტრო პროგრამებზე ჩარიცხვის შესახებ და უზრუნველყონ ამ დოკუმენტების წარდგენა სასწავლო პროცესების მართვის სამსახურში არაუგვიანეს ამა წლის 22 სექტემბრის 12⁰⁰ საათამდე. იმავე დღეს მოხდეს მათი განთავსება უნივერსიტეტის ოფიციალურ ვებგვერდზე.
9. მაგისტრანტობის კანდიდატებთან სასწავლო და საფინანსო ხელშეკრულებების გაფორმება ფაკულტეტების დეკანებმა უზრუნველყონ 2025 წლის 23 სექტემბრიდან 24 სექტემბრის ჩათვლით და 25 სექტემბერს წარმოადგინონ ჩარიცხვის პროექტები სასწავლო პროცესების მართვის სამსახურში;
10. სასწავლო პროცესების მართვის სამსახურმა 2025-2026 სასწავლო წლისთვის სტუ-ის სამაგისტრო პროგრამებზე ჩასარიცხად მოამზადოს რექტორის ერთიანი ადმინისტრაციულ-სამართლებრივი აქტი (ბრძანება) არა უგვიანეს ამა წლის 1 ოქტომბრისა და საქართველოს განათლებისა და მეცნიერების მინისტრის 2009 წლის 22 აპრილის №227 ბრძანებით განსაზღვრულ ვადაში უზრუნველყოს მისი წარდგენა სსიპ შეფასებისა და გამოცდების ეროვნულ ცენტრსა და სსიპ განათლების ხარისხის განვითარების ეროვნულ ცენტრში;
11. განცხადებების რეგისტრაცია, არსებული წესის თანახმად, დაევალოს სტუ-ის ადამიანური რესურსების მართვისა და საქმის წარმოების სამსახურის უფროსს დ. გორგიძეს;
12. სამაგისტრო პროგრამებზე ჩარიცხვის პროცესის წარმართვა, დაევალოს სტუ-ის სასწავლო პროცესების მართვის სამსახურის უფროსს ზ. ბუაჩიძეს;
13. კონტროლი ბრძანების შესრულებაზე დაევალოს ვიცე-რექტორს თ. წერეთელს;
14. ბრძანება განთავსდეს სტუ-ის ვებგვერდზე და მისი გაცნობა დაინტერესებული პირებისათვის უზრუნველყოს ადამიანური რესურსების მართვისა და საქმის წარმოების სამსახურმა;

15. ბრძანება შეიძლება გასაჩივრდეს გამოქვეყნებიდან 1 (ერთი) თვის ვადაში თბილისის საქალაქო სასამართლოში (მდებარე: თბილისი, დავით აღმაშენებლის ხეივანი, N64)

ვიცე-რექტორი
თამარ წერეთელი

თ. წერეთელი

